

Lêerno.: 3/3/1/1/4
Verwysing: 20220329-1141

Omsendbrief: 0019/2022
Vervaldatum: Geen

Aan: Adjunk-direkteurs-generaal, Hoofdirekteure, Direkteure, Kringbestuurders, Hoofde van alle opvoedkundige inrigtings en Voorsitters van beheerliggame

Kort opsomming: *Hierdie omsendbrief dien om die outomatisering van alle inrigtingsgebaseerde staatsdienswerwings- en keuringsprosesse en die desentralisering van intreevlakposte bekend te stel.*

Onderwerp: Werwing en Keuring van inrigtingsgebaseerde staatsdienswerknemers

1. Die Hoof van Onderwys het die outomatisering van alle inrigtingsgebaseerde staatsdienswerwings- en keuringsprosesse en die desentralisering van intreevlakposte goedgekeur.
2. **Intreevlakposte**
 - 2.1 Skole kan voortgaan om die volgende poste, wat vir kontrakaanstelling gebruik word, via die bestaande advertensieplatforms te adverteer:
 - a) Administratiewe Klerk
 - b) Algemene Assistent
 - c) Huishoudingshulp
 - d) Plaashulp
 - e) Verpleegster
 - 2.2 Advertensies moet met die posbeskrywings van die verskillende poskategorieë ooreenstem.
 - 2.3 Die nominasiedokumentasie en stawende bewys van die proses wat gevolg is, moet vir oorweging en goedkeuring by die Direktoraat: Werwing en Keuring ingedien word.

- 2.4 Die Direktooraat: Werwing en Keuring sal die dokumentasie vir prosedurele en substantiewe korrektheid beoordeel en die nominasie as 'n permanente aanstelling goedkeur.
3. **Bevorderingsposte**
- 3.1 Skole moet die volgende poste aanlyn via die e-Werwingstelsel adverteer:
- a) Algemene Voorman
 - b) Huishoudingtoesighouer
 - c) Senior Huishoudingtoesighouer
- 3.2 Advertensie moet met die posbeskrywings van die verskillende poskategorieë ooreenstem.
- 3.3 Aansoekers word aangemoedig om via die aanlynstelsel vir geadverteerde poste aansoek te doen.
- 3.4 Waar verbindingsprobleme in sekere gebiede ervaar word, mag aansoekers ook aansoeke per hand indien.
- 3.5 Toegang tot aansoeke kan ná die sluitingsdatum via die e-Werwingstelsel verkry word wanneer die werwings-, keurings-, en aanstellingsprosesse in werking tree.
4. Skole het die opsie om alle poste (bevorderings- en intreevlakposte) aanlyn via die e-Werwingstelsel te adverteer.
5. 'n "*Practical Guide to the Recruitment, Selection and Appointment of Institution-based Public Service Employees* is hierby aangeheg om die onderhoudkomitee te lei.
6. Maak asseblief seker dat die inhoud van hierdie omsendbrief aan alle belanghebbendes gekommunikeer word.

GETEKEN: HA LEWIS

WAARNEMENDE HOOF: ONDERWYS

DATUM: 2022-04-12